



# CTU 152 ETIKA SOSIAL MENURUT ISLAM

Falsafah dan isu semasa (Universiti Teknologi MARA)



messages.pdf\_cover\_qr\_code\_label



**UNIVERSITI TEKNOLOGI MARA (UiTM) CAWANGAN MELAKA  
KAMPUS ALOR GAJAH**

**SEMESTER MAC – JULAI 2025**

**CTU152  
PENGHAYATAN ETIKA DAN PERADABAN**

**TUGASAN:  
KERTAS KERJA**

**TAJUK KERTAS KERJA:  
ETIKA SOSIAL MENURUT ISLAM: SUMBANGANNYA TERHADAP KEHARMONIAN  
MASYARAKAT MALAYSIA**

**DISEDIAKAN OLEH:**  
NUR AIRISYA BINTI MUHAMAD NASRIQ (2024642144)  
NUR INSYIROH BINTI AZHAR (2024401382)  
NUR AMIESYA ALIA BINTI NE'MATALLAH (2024241446)  
AMIER ABDULLAH BIN HUSSAINI AZRIN (2024441924)

**KELAS:  
MBA1412A**

**KUMPULAN:  
6**

**DISEMAK OLEH:  
DR MOHAMMAD FAHMI ABDUL HAMID**

**MARKAH PENILAIAN:**

| PERKARA              | MARKAH TUGASAN | MARKAH PELAJAR |
|----------------------|----------------|----------------|
| Pengenalan           | 2              |                |
| Susunan Isi          | 4              |                |
| Analisa Perbincangan | 12             |                |
| Rumusan / Kesimpulan | 4              |                |
| Etika Penulisan      | 4              |                |
| Rujukan              | 4              |                |
| Jumlah               | 30             |                |

## PORTFOLIO TUGASAN PELAJAR KOD KURSUS: CTU152

**KELAS: BA1412A**

**KUMPULAN: 6**

**TEMA TUGASAN:** ETIKA SOSIAL MENURUT ISLAM: SUMBANGANNYA TERHADAP KEHARMONIAN  
MASYARAKAT MALAYSIA

### KETUA KUMPULAN (K):



NUR AIRISYA BINTI  
MUHAMAD NASRIQ  
2024642144  
010-861 3609

### PENOLONG KUMPULAN (P):



NUR AMIESYA ALIA BINTI  
NE'MATALLAH  
2024241446  
018-362 5109



NUR INSYIROH BINTI  
AZHAR  
2024401382  
014-251 6129



AMIER ABDULLAH BIN  
HUSSAINI AZRIN  
2024441924  
016-360 5167

## ISI KANDUNGAN

| NO  | TAJUK                                                                                                                                                                                                                                                    | MUKA SURAT |
|-----|----------------------------------------------------------------------------------------------------------------------------------------------------------------------------------------------------------------------------------------------------------|------------|
| 1.0 | PENGENALAN                                                                                                                                                                                                                                               | 1-2        |
| 2.0 | KONSEP ETIKA SOSIAL MENURUT ISLAM<br>2.1 KEADILAN<br>2.2 KEJUJURAN<br>2.3 TOLONG MENOLONG<br>2.4 AMANAH                                                                                                                                                  | 3-6        |
| 3.0 | SUMBANGANNYA TERHADAP KEHARMONIAN MASYARAKAT ISLAM<br>3.1 PEMBINAAN TINGKAH LAKU YANG BAIK<br>3.2 PRIHATIN TERHADAP KEPERLUAN INDIVIDU LAIN DALAM MASYARAKAT<br>3.3 PEMBINAAN KEROHANIAN YANG SEMPURNA<br>3.4 MEMUPUK SEMANGAT PERSAUDARAAN DAN UKHUWWAH | 7-11       |
| 4.0 | ISU-ISU SEMASA BERKAITAN ETIKA SOSIAL DI MALAYSIA                                                                                                                                                                                                        | 12-15      |
| 5.0 | KESIMPULAN                                                                                                                                                                                                                                               | 16         |
| 6.0 | RUJUKAN                                                                                                                                                                                                                                                  | 17         |

## 1.0 PENGENALAN

Etika sosial dalam Islam merangkumi prinsip-prinsip akhlak dan adab yang membentuk interaksi harmoni antara individu dan masyarakat. Nilai-nilai seperti kejujuran, toleransi, kasih sayang, dan keadilan menjadi asas kepada hubungan sosial yang sejahtera. Dalam konteks Malaysia yang berbilang kaum dan agama, penerapan etika sosial Islam memainkan peranan penting dalam memperkukuh perpaduan dan keharmonian nasional.

Asas dalam hubungan sosial sesama manusia adalah perdamaian. Konflik, permusuhan dan perselisihan dapat merosakkan hubungan sosial. Sehubungan itu, Islam datang dengan menawarkan konsep kehidupan bersama yang harmoni melibatkan masyarakat Islam dan juga sesama bukan Islam. Malah, dikotomi Dar al-Islam dan Dar alHarb adalah manifestasi daripada tindak balas pihak lain terhadap perdamaian yang dihulurkan. Banyak ayat al-Quran, hadis Nabi SAW dan amalan Khulafa' al-Rasyidin sebagai contoh model kehidupan bersama yang harmoni dengan penganut agama lain. Model ini dapat diaplikasikan dalam masyarakat majmuk di Malaysia.

Masyarakat Malaysia ibarat sebuah miniatur Asia, yang komposisinya terdiri dari masyarakat berbilang kaum dan agama. Hal ini kerana Allah merupakan Pencipta yang Maha Bijaksana, maka ciptaan-Nya juga berbeza-beza. Ada yang berkulit hitam, berkulit putih, berwajah menarik, pintar, cerdas dan sebagainya. Malah, perbezaan ini bukan sahaja terbatas pada aspek fizikal semata-mata, bahkan ia juga dapat dilihat dalam hal kepercayaan dan pegangan agama. Perbezaan ini adalah ketetapan Tuhan yang tidak boleh disangkal.

Allah berfirman :

*“Wahai manusia! Sesungguhnya Kami telah menciptakan kamu daripada seorang lelaki dan seorang perempuan, dan Kami telah menjadikan kamu berbangsa-bangsa dan bersuku-suku, supaya kamu saling mengenali. Sesungguhnya yang paling mulia antara kamu di sisi Allah ialah orang yang paling bertakwa. Sesungguhnya Allah Maha Mengetahui, lagi Maha Menenal.”*

*(Hujurat ayat 13)*

Ayat menekankan tentang bahwa takwa dijadikan ukuran kemuliaan, bukan keturunan atau kekayaan serta menyeru kepada perpaduan, saling hormat dan mengenali antara manusia.

Oleh itu, pemahaman dan pengamalan etika sosial Islam bukan sahaja memperkukuh hubungan antara individu, malah menjadi pemangkin kepada keharmonian dan kestabilan masyarakat Malaysia yang berbilang kaum dan agama.

## **2.0 KONSEP ETIKA SOSIAL MENURUT ISLAM**

Etika sosial dalam agama Islam merupakan satu aspek kunci yang membentuk hubungan antara individu dan masyarakatnya. Islam tidak hanya mengatur bagaimana individu berhubungan dengan Tuhan tetapi juga menekankan pentingnya perilaku yang baik dalam interaksi sosial. Dalam pelajaran agama Islam, etika sosial mencakupi prinsip-prinsip moral, nilai-nilai kemanusiaan, dan tata cara perlakuan yang baik dalam kehidupan bermasyarakat. Beberapa konsep dasar etika sosial menurut Islam termasuk:

### **2.1 Keadilan**

Adil ialah salah satu daripada sifat wajib bagi Allah SWT dan sifat ketuhanan yang Maha Suci daripada segala kekurangan, bahkan mustahil bagi Allah SWT bersifat zalim. Islam menekankan pentingnya bersikap adil dalam setiap aspek kehidupan termasuk dalam hubungan sosial. Keadilan harus ditegakkan tanpa memandang status sosial, agama atau etnik seseorang.

Allah berfirman:

“Sesungguhnya Allah menyuruh kamu supaya menyerahkan segala amanah kepada yang berhak menerimanya, dan apabila kamu menjalankan hukum di antara manusia, hendaklah kamu menghukum dengan adil.”

(Surah An-Nisa ayat 58)

Tugas menegakkan keadilan diserahkan kepada orang-orang yang benar-benar berkelayakan dari segi iman, ilmu dan akhlakunya. Hal ini demikian kerana ia merupakan amanah yang paling besar kewajipannya.

## 2.2 Kejujuran

Kejujuran adalah nilai yang sangat dihargai dalam Islam. Dalam bahasa Arab, jujur ialah *shiddiq* yang bermaksud benar dan boleh dipercayai. Pengertian jujur menurut Islam ialah menyamakan perbuatan dengan perkataan. Kejujuran merupakan nilai moral yang sangat dihargai oleh banyak agama, budaya dan etnik. Seorang Muslim diperintahkan untuk selalu berkata benar dan menghindari dusta dalam segala hal.

Rasulullah SAW bersabda,

*“Sesungguhnya kejujuran membawa kepada kebaikan, dan kebaikan membawa ke syurga. Seseorang yang sentiasa berkata jujur akan dicatat di sisi Allah sebagai seorang yang benar (As-Siddiq). Dan sesungguhnya dusta membawa kepada kejahatan, dan kejahatan membawa ke neraka. Seseorang yang sentiasa berdusta akan dicatat di sisi Allah sebagai seorang pendusta.”*

(Hadis Riwayat al-bukhari dan muslim)

Sikap jujur juga merangkumi sifat setia, berterus-terang ikhlas, adil dan boleh dipercayai. Kejujuran bukan sahaja tidak berkata bohong, tetapi juga sanggup menunaikan janji, melaksanakan tugas dengan ikhlas serta memberikan nasihat yang baik.



### 2.3 Tolong-menolong

Dalam Islam, tolong-menolong adalah perkara penting dalam etika sosial. Di antara ciri keperibadian Islam ialah suka tolong-menolong sesama insan atas landasan kebaikan dan ketakwaan. Oleh kerana sifat ini dasarnya adalah kebaikan dan takwa maka tidak hairan bahawa ia mempunyai kesan yang sangat luas dan kuat kepada seorang Muslim sehingga ia mampu untuk mengadakan usaha perdamaian melebarkan kasih sayang.

Allah berfirman:,

*“Dan tolong-menolonglah kamu dalam mengerjakan kebajikan dan takwa, dan jangan tolong-menolong dalam berbuat dosa dan permusuhan.”*

(Surah Al-Ma'idah ayat 2)

Ayat ini menjadi dalil utama dalam menggalakkan umat Islam untuk bekerjasama dalam perkara yang membawa manfaat bersama seperti kebajikan, pendidikan, kebersihan masyarakat dan aktiviti sukarela. Dalam masa yang sama, Islam melarang keras sebarang bentuk kerjasama yang membawa kepada maksiat, penindasan atau permusuhan, seperti fitnah, buli, rasuah dan jenayah sosial. Ini menunjukkan bahawa Islam bukan sahaja mementingkan hubungan individu dengan Allah, tetapi juga hubungan sesama manusia dalam membina masyarakat yang sejahtera dan harmoni.

## 2.4 Amanah

Kata ‘amanah’ berasal dari akar kata ‘aman’ yang berarti ketenangan atau rasa aman. Dari sini dapat disimpulkan bahawa orang yang mampu memegang amanah dengan jujur akan merasakan ketenangan dalam hidupnya kerana amanah membawa rasa tanggungjawab yang menuntut kepada kedamaian hati dan kesejahteraan.

Allah berfirman:

*“Wahai orang-orang yang beriman! Janganlah kamu mengkhianati Allah dan Rasul, dan (juga) janganlah kamu mengkhianati amanah-amanah yang dipercayai kepadamu, sedang kamu mengetahui.”*

(Surah Al-Anfal ayat 27)

Amanah merupakan simbol utama dalam kehidupan, sama ada berkaitan dengan kewajipan peribadi mahupun tanggungjawab sosial. Dalam konteks kehidupan bermasyarakat, seperti menjaga solat lima waktu dan melaksanakan tugas lain dengan sempurna, amanah menjadi asas yang wajib dipenuhi oleh setiap individu.

### **3.0 SUMBANGANNYA TERHADAP KEHARMONIAN MASYARAKAT ISLAM**

Sumbangan etika sosial terhadap keharmonian Masyarakat Islam amat besar dan menyeluruh . Dalam Islam , nilai seperti tolong – menolong , keadilan , amanah dan kasih sayang antara sesama manusia menjadi tonggak utama dalam pembinaan masyarakat yang bersatu padu . Apabila etika sosial ini diamalkan , ia boleh memupuk masyarakat yang bersikap hormat-menghormati dan toleransi antara satu sama lain . Dengan ini , dapat mengurangkan konflik atau pertelingkahan dalam komuniti .

#### **3.1 PEMBINAAN TINGKAH LAKU YANG BAIK**

Pembinaan tingkah laku yang baik merupakan antara asas penting dalam etika sosial Islam yang menyumbang secara langsung kepada keharmonian masyarakat . Dalam Islam , akhlak mulia bukan sahaja mencerminkan keimanan seseorang , malah ia juga menjadi panduan dalam membina hubungan sosial yang harmoni . Menurut Ibnu Sina , kebahagiaan manusia bermula dengan akhlak yang baik , yang dibentuk melalui pemikiran , seni dan kemahiran yang berasaskan syariat . Ini menunjukkan bahawa pembangunan tingkah laku tidak berlaku secara spontan , tetapi melalui proses pendidikan dan kesedaran diri yang berterusan . Rasulullah SAW merupakan contoh teladan terbaik dalam menunjukkan akhlak mulia , terutamanya dalam interaksi sosial yang penuh hikmah , kasih sayang dan hormat terhadap sesama manusia , Hal ini sejajar dengan

Firman Allah SWT :

*“Sesungguhnya engkau (Muhammad) benar-benar berbudi pekerti yang agung”*

*(Surah al-Qalam : ayat 4)*

Pembinaan tingkah laku yang baik membolehkan individu mengawal diri , berfikir sebelum bertindak , serta menghargai perbezaan dan kepelbagaian dalam masyarakat .

### **3.2 PRIHATIN TERHADAP KEPERLUAN INDIVIDU LAIN DALAM MASYARAKAT**

Salah satu sumbangan utama etika sosial dalam Islam ialah membentuk sikap prihatin terhadap keperluan individu lain dalam masyarakat . Etika ini mendorong umat Islam untuk bersikap empati , saling membantu dan tidak bersikap mementingkan diri sendiri . Dalam konteks masyarakat Islam , nilai ini sangat penting dalam membina perpaduan dan mengurangkan jarak antara golongan yang berkemampuan dengan mereka yang kurang berkemampuan . Sebagai contoh , aktiviti kesukarelawan yang memberi sumbangan dari segi tenaga atau kewangan kepada masyarakat yang memerlukan seperti terjadinya banjir kilat , tanah runtuh dan sebagainya . Dengan ini , masyarakat dapat membina sikap tanggungjawab sosial yang tinggi . Islam sendiri menggalakkan umatnya untuk membantu orang lain sebagaimana

Rasulullah SAW bersabda :

*“Barang siapa yang memudahkan urusan seorang mukmin di dunia , maka Allah akan memudahkannya di dunia dan akhirat”*

Sumbangan ini bukan Sahaja memberi manfaat kepada penerima bantuan , malah ia juga dapat membentuk masyarakat yang penyayang , peka dan saling menghormati antara satu sama lain .

### **3.3 PEMBINAAN KEROHANIAN YANG SEMPURNA**

Pembinaan kerohanian dalam etika sosial Islam memberikan sumbangan besar dalam membentuk masyarakat yang harmoni dan berakhlak tinggi . Elemen kerohanian menekankan nilai keimanan seseorang , penghayatan agama dan kesedaran tanggungjawab seseorang kepada Allah SWT serta sesama manusia . Dengan ini , seseorang yang memiliki asas kerohanian yang kukuh cenderung bersikap tenang , adil dan berakhlak mulia dalam berinteraksi dengan orang lain . Ia juga dapat menyumbang kepada kestabilan sosial dan perpaduan dalam masyarakat .

Firman Allah SWT :

*“Wahai manusia! Sesungguhnya Kami telah menciptakan kamu daripada seorang lelaki dan seorang perempuan, dan Kami telah menjadikan kamu berbangsa-bangsa dan bersuku-suku, supaya kamu saling mengenali. Sesungguhnya yang paling mulia antara kamu di sisi Allah ialah orang yang paling bertakwa. Sesungguhnya Allah Maha Mengetahui, lagi Maha Menenal.”*

*(surah al-hujurat : ayat 13)*

Ayat ini menggambarkan bahawa kedudukan seseorang bukan diukur dari keturunan atau kekayaan , tetapi daripada akhlak dan kerohanian yang dimiliki . Dalam konteks sosial , akhlak

mulia itu diterjemah melalui sikap toleransi , kasih sayang dan tolong-menolong yang menjadi tunjang kepada keharmonian masyarakat . Selain itu ,

Rasulullah SAW bersabda :

*“Sesungguhnya aku diutus untuk menyempurnakan akhlak yang mulia”*

Hadis ini menegaskan bahawa pembinaan kerohanian bukan sahaja menjadi tunjang kepada individu muslim yang cemerlang , tetapi turut menjadi asas kepada masyarakat yang bersatu , beradab dan saling menghormati .

### **3.4 MEMUPUK SEMANGAT PERSAUDARAAN DAN UKHUWWAH**

Etika sosial Islam berperanan besar dalam memupuk semangat persaudaraan (ukhuwwah) dalam kalangan umat Islam , yang menjadi tonggak utama kepada keharmonian masyarakat . Islam mengajarkan agar setiap Muslim melihat saudaranya sebagai sebahagian daripada keluarganya sendiri , dengan berkasih sayang , saling membantu dan mengelak bermusuhan . Nilai ini ditegaskan oleh Allah SWT

Firman Allah SWT :

*“Sesungguhnya orang-orang mukmin itu bersaudara , maka damaikanlah antara kedua-dua saudaramu dan bertakwalah kepada Allah SWT agar kamu mendapat rahmat”*

(surah al-hujurat : ayat 10)

Semangat persaudaraan ini menanamkan rasa tanggungjawab sosial dalam diri sesama ahli masyarakat , menjauhkan sifat mementingkan diri dan memupuk budaya tolong-menolong dalam kehidupan seharian .

Rasulullah SAW bersabda :

*“Seorang muslim adalah saudara kepada muslim yang lain . Dia tidak boleh menzaliminya dan tidak boleh membiarkannya (dalam kesusahan)”*

Dengan mengamalkan nilai-nilai ukhuwwah seperti ini masyarakat akan lebih bersatu padu , hidup dalam suasana harmoni dan bekerjasama membantu sesama lain .

## **4.0 ISU-ISU SEMASA BERKAITAN ETIKA SOSIAL DI MALAYSIA**

### **4.2 ADAB KETIKA BERDAKWAH DI MEDIA SOSIAL**

Tercetusnya teknologi maklumat dengan kemudahan internet yang tersedia memberi ruang kepada para pendakwah untuk berinteraksi dengan masyarakat secara atas talian dengan mudah. Namun setiap penyampaian dakwah tersebut mestilah ada etika dan adab yang betul agar lebih mudah difahami oleh masyarakat sekeliling. Antara contohnya wajib menyebarkan ilmu yang benar dan tidak bercanggah supaya masyarakat lain tidak keliru tentang agama. Selain itu, penulisan atau penyampaian itu perlulah secara berhikmah dan tidak menyentuh mana – mana sensitiviti. Hal ini menunjukkan bahawa etika dan adab ketika berdakwah di media sosial ini adalah sangat penting yang perlu diterapkan oleh pendakwah yang berdakwah melalui laman sosial kerana ingin mengelakkan daripada berlaku masalah yang kurang diingini.

Seterusnya, terdapat isu – isu yang berlaku dikalangan pendakwah terhadap etika dan adab mereka sering berlaku disekeliling kita dan dalam media sosial seperti facebook, instagram dan lain – lain lagi. Situasi ini perlulah dielakkan bagi tidak menimbulkan kekeliruan serta fitnah yang berleluasa seperti ajaran sesat dan masalah yang lain di mana boleh menyebabkan ketidak gemar oleh masyarakat di luar sana. Antara sebabnya ialah sesetengah pendakwah yang kurang bersedia dari segi ilmu atau tidak benar-benar faham tentang adab berdakwah dalam ruang digital. Bila tak ada asas yang kukuh, teguran yang sepatutnya lembut dan membina, boleh jadi kasar dan menjauhkan orang dari agama. Sebab itu penting untuk para pendakwah, terutamanya yang aktif di media sosial.

Bagi menangani isu ini banyak pihak bersetuju bahawa langkah pertama yang penting ialah berguru dengan orang yang benar-benar berilmu dan dipercayai. Dengan adanya bimbingan



daripada guru yang betul, pendakwah dapat belajar bukan sahaja tentang isi kandungan agama, tetapi juga cara menyampaikan ilmu dengan hikmah dan penuh adab. Dakwah bukan sekadar menyampaikan apa yang kita tahu, tapi juga tentang bagaimana kita menyampaikannya supaya orang lain mudah terima. Pihak kerajaan atau pihak menteri agama, agamawan dan seangkatan dengannya perlu menapis setiap penulisan atau video yang disebar di media sosial untuk mengelakkan berlakunya penyebaran ilmu yang sesat.

#### **4.2 Penyebaran Maklumat Palsu di Media Sosial**

Pada masa kini, media sosial telah disalahgunakan oleh segelintir masyarakat yang tidak beretika untuk menyebarkan berita dan maklumat palsu yang boleh mendatangkan kesan negatif kepada individu, keluarga, masyarakat dan negara. Maklumat dan berita palsu tersebut mengandungi unsur penipuan. Ramai orang hari ini tak sabar-sabar nak jadi orang pertama yang kongsi berita. Dapat saja maklumat, terus sebar tak kira sahah ke tidak. Inilah yang dikenali sebagai “breaking news syndrome”, iaitu sindrom nak jadi yang paling awal menyebarkan sesuatu tanpa semak sumber dulu. Menurut Menteri Kanan (Keselamatan), Datuk Seri Ismail Sabri Yaakob, sikap sebegini bukan saja tidak bertanggungjawab, tapi boleh gugat keharmonian masyarakat. Bayangkan kalau berita tu palsu boleh buat orang panik, marah, dan timbul salah faham. Sebab itulah penting untuk kita bina semula budaya etika dalam masyarakat. Kita semua perlu biasakan diri untuk periksa dulu setiap maklumat.

Oleh itu, pembentukan etika dalam kalangan masyarakat adalah sangat penting bagi memastikan maklumat yang dikongsi adalah benar, berfakta dan bermanfaat. Ia harus dijadikan satu budaya agar setiap individu bertanggungjawab dalam memastikan ketulenan maklumat sebelum disebar kepada umum.

### **4.3 Ketegangan Antara Kaum dan Agama**

Isu ketegangan antara kaum dan agama merupakan antara cabaran besar dalam masyarakat majmuk seperti Malaysia. Dalam kehidupan seharian, kita boleh lihat bagaimana sesuatu perkara yang dianggap kecil boleh mencetuskan salah faham antara kaum, terutamanya apabila melibatkan sensitiviti agama. Sebagai contoh, kes penjualan stoking yang menulis kalimah “Allah” baru-baru ini telah menimbulkan kemarahan dalam kalangan umat Islam. Walaupun mungkin pihak yang terlibat tidak berniat untuk menghina, namun ia tetap dianggap sebagai tidak sensitif terhadap kepercayaan orang lain. Perkara seperti ini menunjukkan betapa pentingnya kesedaran dan nilai etika sosial dalam menjaga hubungan baik antara kaum dan agama.

Dalam Islam, nilai toleransi, keadilan, dan hormat-menghormati sangat ditekankan dalam hubungan sosial. Umat Islam diajar untuk menjaga lidah, mengelakkan penghinaan terhadap agama lain, dan berinteraksi dengan penuh hikmah, terutama dalam masyarakat yang pelbagai. Jika nilai-nilai ini benar-benar diamalkan, banyak konflik boleh dielakkan. Etika sosial Islam bukan sahaja membentuk akhlak individu, malah berperanan besar dalam membina masyarakat yang aman, harmoni dan bersatu padu. Dalam dunia hari ini yang penuh dengan fitnah dan maklumat yang cepat tersebar, masyarakat perlu lebih peka dan beretika dalam tindakan, terutamanya di media sosial, agar hubungan antara kaum dan agama di Malaysia terus terpelihara.

### **4.4 Penyalahgunaan Media Sosial oleh Pendidik**

Dalam era digital ini, media sosial menjadi sebahagian daripada kehidupan harian, termasuk dalam bidang pendidikan. Namun, terdapat segelintir pendidik yang didapati menyalahgunakan

platform ini dengan memuat naik gambar atau video murid sebagai kandungan tanpa mematuhi garis panduan etika yang ditetapkan. Tindakan ini menimbulkan kebimbangan masyarakat, khususnya berkaitan soal privasi murid, keselamatan data peribadi, dan imej guru itu sendiri. Walaupun niatnya mungkin untuk berkongsi aktiviti sekolah atau pencapaian pelajar, namun jika tidak dikawal dengan baik, ia boleh membawa kepada kesan negatif kepada murid seperti kecaman dari pihak luar. Dalam konteks etika sosial menurut Islam, setiap individu bertanggungjawab menjaga aib dan maruah orang lain, apatah lagi apabila melibatkan golongan yang masih di bawah jagaan seperti kanak-kanak.

Islam juga menekankan prinsip amanah dan tanggungjawab dalam setiap tindakan, termasuk dalam penggunaan teknologi. Maka, sangat penting untuk pendidik dan pihak sekolah mematuhi garis panduan yang telah dikeluarkan oleh Kementerian Pendidikan Malaysia dalam menggunakan media sosial secara beretika. Sekiranya etika sosial ini dipraktikkan dengan baik, ia bukan sahaja dapat menjaga kehormatan murid, malah turut meningkatkan keyakinan ibu bapa dan masyarakat terhadap institusi pendidikan. Ini juga mencerminkan nilai-nilai Islam yang mementingkan keadilan, ihsan, dan tanggungjawab sosial dalam semua aspek kehidupan.

## 6.0 KESIMPULAN

Sebagai kesimpulan, etika sosial menurut Islam merupakan asas penting dalam membentuk masyarakat yang bersatu padu, adil dan harmoni. Prinsip-prinsip seperti tolong-menolong dalam kebaikan, menunaikan amanah, berlaku adil, menjaga lisan, dan menghormati kepelbagaian adalah ajaran yang bukan sahaja membawa manfaat kepada individu Muslim, tetapi juga kepada seluruh masyarakat tanpa mengira agama dan bangsa. Dalam konteks Malaysia sebagai sebuah negara berbilang kaum, nilai-nilai ini amat relevan dan diperlukan bagi mengukuhkan perpaduan serta mencegah perpecahan.

Apabila etika sosial Islam diamalkan secara menyeluruh dalam pelbagai sektor sama ada dalam keluarga, institusi pendidikan, tempat kerja mahupun pentadbiran negara ia mampu melahirkan masyarakat yang bertanggungjawab, saling menghormati dan sentiasa menolak permusuhan. Justeru, menjadi tanggungjawab setiap warganegara, khususnya umat Islam, untuk menghayati dan mengamalkan etika sosial ini demi menjamin kesejahteraan hidup bersama dan menjadikan Malaysia sebuah negara yang aman, makmur dan diberkati.

## 6.0 RUJUKAN

### Jurnal Artikel

al-'Asqalani, Ahmad bin 'Ali bin Hajr. 1986. Fath al-Bari bi Sharh Sahih al-Bukhari. Al-Baqi, Muhammad Fu'ad et al. (pnyt.). Beirut: Dar al-Rayyan li al-Turath.

al-Albani, Muhammad Nasir al-Din. 1980. Ghayah al-Maram fi Takhrij Ahadith al-Halal wa al-Haram. Beirut: al-Maktab al-Islami.

al-Albani, Muhammad Nasir al-Din. 1988. Sahih al-Jami al-Saghir wa Ziyadatuhu. Beirut: al-Maktab al-Islami.

Ali Mustafa Ya'qub, Hadis-Hadis Bermasalah, (Jakarta: Pustaka Firdaus, 2003)

Shahidah Hamzah et al., Advances in Humanities and Contemporary Studies Vol. 1 No. 1 (2020)

Khazri Osman Pensyarah, Pusat Kajian Dakwah dan Kepimpinan Fakulti Pengajian Islam, UKM

Zuraimy Ali, Pensyarah Kanan Akademi Pengajian Islam Kontemporari UiTM

Azhar Abdul Rahman

Jamalia Aurani

Mohamad Zaid Mohd Zin

### Internet

<https://e-journal.metrouniv.ac.id/akademika/article/view/395/443>

[www.researchgate.net](http://www.researchgate.net)

[https://jpi.uis.edu.my/index.php/jpi/article/download/195/141/341?utm\\_source](https://jpi.uis.edu.my/index.php/jpi/article/download/195/141/341?utm_source)

<https://publisher.uthm.edu.my/periodicals/index.php/ahcs/article/view/501/161>

<https://www.researchgate.net/profile/Nurain-Nabilah-Bin>

[Amirudin/publication/362531137\\_ETIKA\\_BERDAKWAH\\_MELALUI\\_MEDIA\\_SOSIAL/links/62ee95d745322476938525cf/ETIKA-BERDAKWAH-MELALUI-MEDIA-SOSIAL.pdf](https://www.researchgate.net/publication/362531137_ETIKA_BERDAKWAH_MELALUI_MEDIA_SOSIAL/links/62ee95d745322476938525cf/ETIKA-BERDAKWAH-MELALUI-MEDIA-SOSIAL.pdf)

[https://sites.google.com/moe-dl.edu.my/farzanahazmi/isu-isu-semasa?utm\\_source](https://sites.google.com/moe-dl.edu.my/farzanahazmi/isu-isu-semasa?utm_source)